

Uunga siunnersuut: Kulturikkut ingerlatsineq sunngiffimmilu sammisassaqartitsineq pillugit Inatsisartut inatsisaat nr. xx, xx. xx 2016-imeersoq

Kapitali 1

Atuuffia nassuiaatillu

§ 1. Inatsisartut inatsisaat kulturikkut ingerlatsinermut sunngiffimmilu sammisassaqartitsinermut atorneqassaaq siuarsaataallunilu, taamaattoq tak. imm. 5.

Imm. 2. Kulturikkut ingerlatsineq sunngiffimmilu sammisassaqartitsineq tassaapput inunnik qaammarsaaneq, kulturimut tunngasunik imalimmik aaqqissuussinerit sunngiffimmilu kulturikkut ingerlatat allat nalinginnaasut, taakkununga ilanngullugit piginnaanngorsaataanngitsumik sunngiffimmi atuartitsineq, sunngiffimmi ornittakkat, sunngiffimmi sammisassaqartitsiviit aamma meeqqat inuusuttullu suliniaqatigiiffii, tak. kapitalit 4-7.

Imm. 3. Inunnik qaammarsaaneq tassaavoq inunntu qaammarsaataasumik atuartitsineq aamma isumassarsiat malillugit inuiaqatigiinnullu peqataatitsisumik meeqqanik inuusuttunillu sullissinerit, tamat oqartussaaqataanerannik paasinnittaatsimik innuttaaqataalluarnemillu siuarsaanissamik aamma peqataasut suliasamat kulturimillu paasisimasaannik piginnaasaannillu annertusaanissamik siunertaqartut.

Imm. 4. Sunngiffik tassaavoq piffissaq inuup meeqqanut suli atualinngitsunut, atuartitsinermi, ilinniagaqarnermi, aaqqissuussaasumik piginnaanngorsaanermi sulinermiluunniit ulluunerani neqeroorutinut atortanngisaa.

Imm. 5. Inatsisartut inatsisaat kulturikkut ingerlatsinermut sunngiffimmilu sammisassaqartitsinermut inatsit alla aqputigalugu malittarisassiorneqarsimasumut atorneqassanngilaq.

Kapitali 2

Akisussaaffinnik suliasanillu agguaassineq

§ 2. Inatsisartut inatsisaat manna naapertorlugu nunami tamarmi kulturikkut ingerlatsisoqarnissaanut sunngiffimmilu sammisassaqartitsisoqarnissaanut Naalackersuisut pingaarnertut akisussaaffigaat, tamannalu pillugu kommunalbestyrelsit suleqatiginerisigut akisussaaffinnik suliasanillu agguaassisarnissamat pitsaasunik atugassaqartitsisoqassaaq.

Imm. 2. Naalackersuisut inatsisartut inatsisaat manna naapertorlugu pisussaaffigaat:

- 1) kulturikkut ingerlatsinermik sunngiffimmilu sammisassaqartitsinermik ineriartortitsinissamat pilersuinissamullu, suliaqartarnissamat siammarterinissamullu aningaasatigut tapiissuteqarsinnaapput allatigullu uummarissaasinnaallutik,
- 2) ininik naleqquttunik pissarseqataanissaq aamma timikkut allatigut atugassaqartitseqataanissaq,
- 3) naleqquttunik ineqartitsinissaq aamma timitigut atugassaqartitsinissaq,
- 4) kommuninik suliamut tunngatillugu siunnersuisarnissaq aamma

5) ilinniagaqarnissamik, ingerlaqqiffiusumik ilinniagaqarnissamik aamma ilinniagaqaqqinnissamik neqerooruteqarnissaq.

§ 3. Kommunalbestyrelse kommunimi kulturikkut ingerlatsinermt sunngiffimmilu sammisassaqtitsinermt pingaarnertut akisussaasuvoq kommunimilu innuttaasut kulturikkut neqerooruterpassuarnik inerisaaqataanissamut, ingerlatsinissamut atuinissamullu periarfissinneqarnissaat siunertaralugu anguniagassanik killiliussassanillu aalajangersaasussaalluni.

§ 4. Ukiut tamaasa kommunimi kulturikkut ingerlatsinissamut sunngiffimmilu sammisassaqtitsinissamut kommunalbestyrelse pilersaarusiortassaaq. Pilersaarut kommunip nittartagaatigut tamanut saqqummiunneqassaaq.

Imm. 2. Kommunimi kulturikkut ingerlatsinissamut sunngiffimmilu sammisassaqtitsinissamut pilersaarutip imm. 1-imi oqaatigineqartutut imasaanut isikkusaanullu Naalackersuisut malittarisassaliorsinnaapput.

§ 5. Kommunalbestyrelsip inatsisartut inatsisaat manna naapertorlugu pisussaaffigai:
1) naleqquttunik ineqartitsinissaq aamma timitigut atugassaqtitsinissaq aamma
2) ininut silamilu ingerlatsivinnut meeqqat inuusuttullu suliniaqatigiiffiinit pigineqartunut attartorneqartunulluunniit ingerlatsinermt tapiissuteqarnissaq.

Imm. 2. Kommunalbestyrelsip inatsisartut inatsisaat manna naapertorlugu pisussaaffigisinnaavai:

1) ininik naleqquttunik pissarseqataanissaq aamma timikkut allatigut atugassaqtitseqataanissaq, tapiissuteqarfisigisinnaallugillu ininut timikkullu allatigut atugassanut kulturikkut ingerlatsinermt sunngiffimmilu sammisassaqtitsinermt atorineqartunut ingerlatsinermt aningaasartuutit aamma
2) kulturikkut ingerlatsinermt sunngiffimmilu sammisassaqtitsinermt ineriartortitsinissamut pilersuinissamullu, suliaqartarnissamut siammarterinissamullu aningaasatigut tapiissuteqarsinnaapput allatigullu uummarissaasinnaallutik.

Imm. 3. Kommunalbestyrelsip naleqquttumik ineqartitsinissamut allatigullu timikkut atugassaqtitsinissamut tunngatillugit imm. 1 naapertorlugu pisussaaffii pillugit Naalackersuisut malittarisassaliorsinnaapput.

§ 6 Kommunit agguarnerisa avataanni inatsisartut inatsisaat manna malillugu suliassanik kommunalbestyrelsimut isumagisassannortinneqarsimasunik Naalackersuisut isumaginissapput.

Imm. 2. Naalackersuisut kommunimi ataatsimi arlalinniluunniit kommunalbestyrelsimik isumaqatigiissuteqarnermikkut, imm. 1 malillugu Naalackersuisunit pisussaaffigineqartut, suliassat taakku isumagineqarneri tunniussinnaavaat.

Kapitali 3

Ingerlatsineq tapiiffigineqarsinnaasoq tapeeriaatsillu

Inissatigut atugassarititaasut

§ 7. Naalakkersuisut kommunalbestyrelsilu illunik, ininik timikkullu allatigut atugassaqtitanik kulturikkut ingerlatsinermi sunngiffimmilu sammisassaqtitsinermi atorneqartussanik, tassunga ilanngullugit sunngiffimmi ornittakkanik, sunngiffimmi sukisaarsaartarfinnik klubbini, ininik saqqummersitsisarfinnik, sungiusartarfinnik aamma ataatsimiittarfinnik katersortarfinnillu sanaartornermut, nutarterinermut ingerlatsinermullu tapiissuteqarsinnaapput.

Imm. 2. Kommunalbestyrelsi allalluunniit illunik, ininik timikkullu allatigut atugassaqtitanik kulturikkut ingerlatsinermi sunngiffimmilu sammisassaqtitsinermi atorneqartussanik sanaartornermut, nutarterinermut ingerlatsinermullu tapiissuteqarpata Naalakkersuisut tapiissutini tamakkiisumik ilaannakortumilluunniit utertitsinnaapput.

§ 8. Naalakkersuisut kommunalbestyrelsinik isumasioqateqareerlutik illunik, ininik timikkullu allatigut atugassaqtitanik kulturikkut ingerlatsinermi sunngiffimmilu sammisassaqtitsinermi atorneqartussanik sanaartornermut, nutarterinermut ingerlatsinermullu tapiissuteqarnissaq pillugu malittarisassaliorinnaapput, tassunga ilanngullugu akisussaaffinnik suliaassanillu agguaassinissamut, piumasaqaatinut tapiissuteqarnissamullu piumasaqaatinut, qinnuteqarnissamut, naatsorsuuserinermut kukkunersuinernullu malittarisassaliorinnaallutik.

Sammisassaqtitsinerit

§ 9. Naalakkersuisut kommunalbestyrelsilu makkununga tapiissuteqarsinnaapput:

- 1) ingerlatanik taakkunungalu atortussanik inerisaanermut pilersuinernullu,
- 2) sammisassanik ingerlatsinermut, tassunga ilanngullugit angalanermi aningaasartuutitut aamma ineqartinneqarnermut aningaasartuutitut matussutissanut,
- 3) peqatigiiffiit kattuffiillu kulturikkut ingerlatsinermik sunngiffimmilu sammisassaqtitsinermik suliaqartut ingerlanneqarnerannut,
- 4) isermermi akiliutissap appaaffigineqarnissaanut, peqataanermut akiliutitut assigisaannullu aamma
- 5) saqqummersitsinermut allatigullu siammarterinermut.

Imm. 2. Naalakkersuisut Kalaallit Nunaata avataani kulturikkut ingerlatsinermut sunngiffimmilu sammisassaqtitsinermut aamma tapiissuteqarsinnaapput.

Imm. 3. Naalakkersuisut kommunalbestyrelsillu imm. 1 naapertorlugu tapiissutini tunniussinerminni sammisassat meeqqanik inuusuttunillu, inunnik timimikkut ajoquteqartunik aamma inuuniarnikkut ajornartorsiuteqartunik ilaatitsisut sapinngisamik salliutissavaat.

Imm. 4. Naalakkersuisut imm. 1 naapertorlugu tapiissutini tunniussinerminni sammisassat nuna tamakkerlugu imaluunniit kommunini marlunni arlalinniluunniit ingerlanneqartussat sapinngisamik salliutissavaat.

Imm. 5. Naalakkersuisut kommunalbestyrelsilu naalakkersuinikkut, upperisarsiornikkut

sulisartoqarnermilluunniit peqatigiiffeqarnikkut siunertarineqartunut tapiissuteqarsinnaanngillat.

Imm. 6. Naalackersuisut kommunalbestyrelsiniq isumasioqateqareerlutik kulturikkut ingerlatsinerup sunngiffimmi sammisassaqtitsinerup iluini sammisassanut, tassunga ilanngullugit akisussaaffinnik suliassanillu agguaassinissamut, ingerlatsinerup tapiiffiqarsinnaasup killilerneqarnissaanut, piumasaqaatinut tapiissuteqarnissamullu piumasaqaatinut, qinnuteqarnissamut, naatsorsuuserinermut kukkuneruunermullu tapiissuteqarnissamut malittarisassaliorsinnaapput.

Kapitali 4

Sunngiffimmi ilinniartitaasarnit

§ 10. Sunngiffimmi atuartsineq tassaavoq ilinnialernissamut inuussutissarsiulernissamullu piginnaanngorsaaatannigsumik atuartsineq meeqqanut, inuusuttunut inersimasunullu sunngiffimmi aqqissuussaq.

Imm. 2. Sunngiffimmi atuartsineq imatut aqqissuunneqarsinnaavoq:

- 1) Nalinginnaasumik atuartsineq.
- 2) Nipilersornermik ilinniartitsineq.
- 3) Ilinniagaqaqatigiit.
- 4) Oqalugiarnit.
- 5) Ulluinnarni atortariaqakkat pillugit atuartsineq.

Imm. 3. Sunngiffimmi atuartsineq aqqissuunneqarsinnaavoq qanoq ukioqqortutigineq apeqqaatinnagu.

Imm. 4. Nal. ak. ilai sunngiffimmi atuartsinermit peqataasunik katerisimaartitsinerup atuartsinivimmik imaqaanngikkaluartunut atorineqarsinnaapput.

Imm. 5. Sunngiffimmi atuartsineq ingerlanneqarsinnaavoq ulluunerani unnukkullu. Sunngiffimmi atuartsineq sivikitsuusinnaavoq sivisunerusinnaalluniluunniit.

Imm. 6. Sammisassat qanoq killilerneqarnissaat pillugu Naalackersuisut malittarisassaliorsinnaapput.

§ 11. Kommunalborgbestyrelsin piumasaqaatit uku tamarmik naammassineqarpata sunngiffimmi atuartsinissat pilersinneqartut akuersissutigissavai:

- 1) Atuartsinerup tamanut ammasuunissaa, taamaattoq tak. imm. 3.
- 2) Atuartsisoq atuartsinissamut pisariaqartinneqartunik pisinnaasaqassaaq.
- 3) Atuartsineq sammisamik ingerlatamilluunniit tamatigoortumik qaammarsaassaaq.
- 4) Pilersaarut ilinniartitsinissamik qulakkeerinnittoq malillugu atuartsinissaq aqqissuunneqassaaq, taamaattoq tak. § 15, imm. 2.
- 5) Atuakkat atuartsinermilu atugassat assigisaallu peqataasunut akeqaanngitsumik atugassanngortitaassapput,
- 6) Suliaqarnermi atortussat peqataasumit akilerneqassapput, taamaallaat meeqqat inuusuttullu 18-it inorlugit ukiullit pinnagit,

7) Peqataasussat ikinnerpaamik arfineq pingasut nalunaarsimassapput, taamaattoq tak. imm. 2 aamma § 16, imm. 2 kiisalu § 17, imm. 2.

8) Sunngiffimmi atuartitsisoqassaaq inini piukkunnartuni pisariaqartunik atortoqartuni.

9) Atuartitsissutinut ataasiakkaanut imikkut ittumik piumasaqaatit.

Imm. 2. Peqataasut qanoq amerlatiginissaannut piumasaqaat kommunalbestyrelsimit saneqqunneqarsinnaavoq, tak. imm. 1, nr. 7.

Imm. 3. Sammisassaaq eqqarsaatigalugu ilinniagaqaqatigiinni oqalugiarnernilu peqataasussat qanoq ukioqarnissaat aalajangersaaffigineqarsinnaavoq, tak. §§ 15 aamma 16.

§ 12. Sunngiffimmi atuartitsinermi atuartut sapaatit akunnerisa malittuinnaat sisamat ingerlaneranni peqataasut agguaqatigiissillugu sisamat inulersimappatikkat atorunnaarsinneqassapput, taamaattoq tak. § 16, imm. 3.

§ 13. Nalinginnaasumik atuartitsineq tassaavoq inunnut tunngasut, inuiaqatigiinnut tunngasut pinngortitamilluunniit ilisimatusarnerup iluini sammisassanik atuartitsineq.

§ 14. Nipilersornermik ilinniartitsinermi nipilersuutunik nipilersorneq, nipilersoqatigiinneq, erinarsoqatigiissuartut erinarsorneq, erinarsorluni isiginnaartitsineq assigisaallu ilinniartitsissutigineqassapput ineriartortinneqarlutillu.

§ 15. Ilinniagaqaqatigiit tassaapput inuit arlallit peqataanermikkut inunnut, inuiaqatigiinnut imaluunniit ilisimatusarnermut tunngasutigut sammisassamik namminneerlutik qulaajaasut.

Imm. 2. Ilinniagaqaqatigiinneq aaqqissuunneqassaaq ilinniagaqarnermut atortussat naleqquttut tunngavigalugit.

§ 16. Oqalugiarnarit tassaapput oqalugiaatit ataasiakkaat imaluunniit oqalugiaatit nangeqattaartut arlallit atorlugit inunnut, inuiaqatigiinnut ilisimatusarnermullu tunngasunik paasissutissiineq.

Imm. 2. Oqalugiaqattaarnermut peqataaniarlutik nalunaartut ikinnerpaamik 15-iussapput atuartut atuartinneqassappata.

Imm. 3. Oqalugiaqattaarnermi peqataasut agguaqatigiissillugit qulit inulersimappatikkat ilinniagaqaqatigiit atorunnaarsinneqassapput.

§ 17. Ulluinnarni atortariaqakkat pillugit atuartitsineq tassaavoq ulluinnarni atortariaqakkanut nutaaliornermullu tunngasunik atuartitsineq.

Imm. 2. Ikinnerpaamik aqqaneq-marluk peqataaniarlutik nalunaarsimappata atuartut atuartinneqaannassapput.

Imm. 3. Sapaatit akunnerisa sisamat malittuinnaat ingerlaneranni peqataasut agguaqatigiissillugit arfineq pingasut inulersimappatigit atuartut atorunnaarsinneqassapput.

Imm. 4. Ulluinnarni atortariaqakkat pillugit atuartitsinissamut Naalakkersuisut erseqqinnerusumik malittarisassaliorsinnaapput, tak. imm. 1.

§ 18. Peqataasut killilersimaarneqarnissaat, peqataasussat amerlassusiligaanerisa qanorlu ukioqarnissamik aalajangersakkat saneqqunneqarsinnaanerit, atuaqatigiit arlariit pilersinneqarsinnaanerit pillugit Naalackersuisut malittarisassaliorinnaapput kiisalu nal. ak. atuartitsivissat amerlassusissaat aalajangersaavigisinnaallugu.

§ 19. Kommunalbestyrelsip sunngiffimmi atuartitsinermi peqataasut akileeqqusinnaavai.
Imm. 2. Akileeqqusissutip imm. 1-imi pineqartup qanoq annertutiginnissaanik naatsorsuinissamat aqunneqarnissaanullu Naalackersuisut malittarisassaliorinnaapput.

Kapitali 5

Sunngiffimmi ornittakkat

§ 20. Sunngiffimi ornittagaq tassaavoq paaqqinnittarfik sulisut perorsaanikkut ilinniagallit perorsaanikkut siunnerfeqartumik atuarnep avataatigut meeqqat inuusuttullu atugaannik, peqqissusaannik, ineriartornerannik ilinniarnernannillu siuarsaallutik suliaqarfigisaat.

Imm. 2. Sunngiffimmi ornittagaq atuarfimmik angajoqqaanillu suleqateqarluni atuarfimmi atuartitsinerup sunngiffimmilu ornittakkap akornanni ataqatigiissumik ingerlatsisoqarnissaanut peqataassaaq.

§ 21. Sunngiffimmi ornittagaq kommunip paaqqinnittarfiatut (kommunimi sunngiffimmi ornittagaq) kommunimit ataatsimit ingerlanneqarsinnaavoq.

Imm. 2. Sunngiffimmi ornittagaq kommunalbestyrelse isumaqatigiissuteqarfigineratigut paaqqinnittarfittut imminut pigisutut (sunngiffimmi ornittagaq namminersortitaq) ingerlanneqarsinnaavoq imaluunniit paaqqinnittarfittut namminersortutut (sunngiffimmi ornittagaq namminersortoq) kommunalbestyrelse isumaqatigiissuteqarfigalugu.

§ 22. Sunngiffimmi ornittagaq avatangiisimigut meeqqat, inuusuttut sulisullu pisariaqartitaannut naleqqussarneqarsimassaaq, sunngiffimmilu ornittakkanut oqartussanit akuerisaasoq aamma kommunalbestyrelsimiit ornittakkamik nakkutilliisumit ornittakkallu nutaamik sananeqareerluni, allanngortiterneqareerluni allilerneqareerlunilu atulinnginnerani akuersissutinik tamanik nakkutiginnittumit akuerisaasoq.

Imm. 2. Kommunalbestyrelsip nakkutigissavaa sunngiffimmi ornittakkap qaqugukkulluunniit inatsisit atuuttut naapertorlugit aaqqissugaanissaa.

Imm. 3. Naalackersuisut sunngiffimmi ornittakkamik pilersitsinissaq pisatsersuinissarlu pillugit malittarisassaliorinnaapput.

§ 23. Sunngiffimmi ornittakkat tamarmik kommunalbestyrelsimiit akuerisaasimanerminnut uppersaateqassapput, paaqqinnittarfiup pisortaanit tamanut ersittumut inissinneqarsimasumik.

Imm. 2. Akuersissuteqarnerup uppersaamiissapput makkuninnga paasisutisiissutit:

- 1) Meeqqueriviup aqqa, najugaqarfia sumiiffialu.
- 2) Sunngiffimmi ornittakkap anguniagai aamma meeqqat inuusuttullu pillugit isumai.

- 3) Paaqqinnittarfimmut atatillugu kommunimi ataatsimiititaq imaluunniit sunngiffimmi ornittakkap imminut pigisup sunngiffimmiluunniit ornittakkap namminersortup aqutsisui.
- 4) Sunngiffimmi sammisassaqaqtitsiviup pisortaa.
- 5) Sulisut amerlassusiat.
- 6) Inissat qassiuneri.
- 7) Piffissat ammasarfiit.
- 8) Pisortanit naapertuuttunit akuersissutit, taakkununga ilaallutik qatserisartutut oqartussaasunit, sanaartornermut oqartussaasunit kommunalbestyrelsimillu akuersissutit taakkualu ullui.
- 9) Suliaqarfiup inatsisitigut tunngavii pillugit paasissutissat.

§ 24. Sunngiffimmi ornittakkamik atuneq akeqartinneqassaaq (nammineq akiliineq), taamaattoq tak. imm. 3. aamma 4.

Imm. 2. Sunngiffimmi ornittakkap agguaqatigiissillugu ingerlatsinermit aningaasartuutissaatut missingersuusiukkat ilanngaaserneqanngitsut aamma akiliuteqartussap akiliuteqartussalluunniit aningaasaqarnikkut inissisimanerat tunngavigalugit kommunip sunngiffimmi ornittagaataanik atuinissamut nammineq akiliutissaq aalajangersarneqassaaq.

Imm. 3. Nammineq akiliutissap appartinneqarnissaanut kommunalbestyrelse tapiissuteqassaaq. Sunngiffimmi ornittagaq atorneqartoq qanorluunnit isikkoqaraluarpat aningaasat aalajangersimasumik amerlassusillit kommunalbestyrelsimit tapiissutigineqassapput.

Imm. 4. Naalackersuisut kommunalbestyrelsimik isumasioqateqareerlutik malittarisassaliussavaat kommunip sunngiffimmi ornittagaani, sunngiffimmi ornittakkami imminut pigisumi sunngiffimmilu ornittakkami namminersortumi meeqqat najugaqarnermut akiliutissaat, tassunga ilanngullugit isertitaqqortussuseq naapertorlugu akiliuteqartarnek, nammineq akiliutissap appartinneqarnissaanut tapiissutit, akiliutissanik akiitsoqalernerme meeqqap ornittakkamiikkunnaarnissaa aamma kommunimi sunngiffimmi ornittakkamik, sunngiffimmi ornittakkamik imminut pigisumik sunngiffimmilu ornittakkamik namminersortumik atorunnaarsitsineq pillugit malittarisassaliussallutik.

§ 25. Sunngiffimmi ornittakkamik atuinermut akiliuteqartussaataavoq meeqqamik pilersuisoq. Meeraq angajoqqaami arlaanni najugaqarpat, taannalu katissimappat, nalunaarsukkamik aappaqartuuppat imaluunniit minnerpaamik ukiumik ataatsimik sivilissusilimmik katissimanermut assingusumik aalajangersimasumik inooqateqarpat, angajoqqaajusoq taassumalu aalajangersimasumik inooqataa akiliisussaataasutut isigineqassapput.

§ 26. Kommunip sunngiffimmi ornittagaanut aamma sunngiffimmi ornittakkamut imminut pigisumut ilanngunnissaq kommunalbestyrelsimit aalajangiiffigineqassaaq.

Imm. 2. Kommunibestyrlesip aalajangersinnaavaa sunngiffimmi ornittakkap imminut pigisup sunngiffimmi ornittakkamut ilannguttoqarnissaanut tamakkiisumik ilaannakortumilluunniit nammineq aalajangiisarnissaa.

Imm. 3. Sunngiffimmi ornittakkat namminersortut namminneq aalajangiisarput sunngiffimmi ornittakkamut ilannguttoqarniartillugu. Kommunalbestyrelse sunngiffimmi ornittakkami namminersortumi inissamik innersuussisinnaanngilaq, taamaattoq takuuk § 27, imm. 4.

§ 27. Kommunimi sunngiffimmi ornittakkami sunngiffimmilu ornittakkami imminut pigisumi meeqqat ilanngunneqarnissaanut kommunalbestyrelse malittarisassanik aalajangersaassaaq tamanullu saqqummiussilluni. Angajoqqaat periarfissinneqassapput meeqqamik sunngiffimmi ornittakkamut aalajangersimasumut ilanngunneqarnissaanut kissaatiminnik saqqummiussinissamut.

Imm. 2. Sunngiffimmi ornittakkap imminut pigisup § 26, imm. 2 naapertorlugu ilanngussinissamut piginnaatitaasup meeqqat sunngiffimmi ornittakkamut ilanngunneqarnissaanut malittarisassat aalajangersarlugillu tamanut saqqummiutissavai.

Imm. 3. Sunngiffimmi ornittakkat namminersortut meeqqat sunngiffimmi ornittakkamut ilanngunneqarnissaanut malittarisassanik aalajangersaallutillu tamanut saqqummiussissapput.

Imm. 4. Sunngiffimmi ornittakkat namminersortut taamaallaat meeqqanik tigusinissamut itigartitsisinnaapput sunngiffimmi ornittakkami inissaqartitsisoqannikkaangat.

§ 28. Sunngiffimmi ornittakkap meeqqat ataasiakkaat inuusuttulluunniit ataasiakkaat inerikkiartornerat pillugu ataatsimoortumik naliliinikkut naliliinerit uppersaasersuinerillu ingerlaavartumik isumagissavai, meeqqallu inerikkiartornera minnerpaamik ukiumut marloriarluni allaaserisassallugu.

Imm. 2. Inerikkiartorneq pillugu allaaserisat meeqqap pilersuisui inuillu suliamik ingerlatallit suleqatigalugit malitseqartinneqartassapput.

Imm. 3. Sunngiffimmi ornittakkap pisussaaffigaa minnerpaamik ukiumut marloriarluni meeqqap pilersuisuinik oqaloqateqartarnissaq meeqqap inerikkiartoqqinnerani suleqatigiinnissaq siunertaralugu.

§ 29. Kommunalbestyrelsip meeqqat inuusuttullu kommunip sunngiffimmi ornittagaaniittartut imaluunniit sunngiffimmi ornittakkami namminersortumiittartut taamaatitissinnaanngilai kommunalbestyrelse neqeroorummik assingusumik imaluunniit neqeroorummik allamik naapertuuttumik neqeroorutissaqartinnani.

Imm. 2. Sunngiffimmi ornittakkap namminersortup immikkut illuinnartumik pisoqartinnagu meeqqat sunngiffimmi ornittakkami namminersortumiittartut taamaatitissinnaanngilai.

Imm. 3. Meeqqat kommunip sunngiffimmi ornittagaaniikkunnaartinneqarnissaanut aamma sunngiffimmi ornittakkami namminersortumiikkunnaartinneqarnissaanut kommunalbestyrelse malittarisassanik aalajangersaallunilu tamanut saqqummiussissaaq.

Imm. 4. Sunngiffimmi ornittakkap namminersortup meeqqat sunngiffimmi ornittakkami namminersortumiikkunnaartinneqarnissaanut malittarisassat aalajangersassavai tamanullu saqqummiullugit.

§ 30. Meeraq sunngiffimmi ornittakkamit neqeroorummut allamut nuuppat § 29, imm. 1 naapertorlugu sunngiffimmi ornittakkami sulisut paaqqinnittarfik nuuffigineqartoq suleqatigalugu meeqqap inuusuttulluunniit pisariaqartitaanik isumaginninnissamut meeraq pillugu paasissutissanik ingerlatitseqqissapput.

Imm. 2. Naalackersuisut imm. 1 naapertorlugu paasissutissanik naapertuuttunik ingerlatsitseqqinneq pillugu malittarisassaliorsinnaapput.

§ 31. Naalackersuisut kommunalbestyrelsimik isumasioqateqareerlutik sunngiffimmi ornittakkami aqutsineq allaffissornerlu pillugit malittarisassaliorsinnaapput, tassunga ilanngullugit piginnaasaqarnissamik piumasaqaatit, sulisut amerlassusissaat atuisartullu katersuuttarnissaat pillugit malittarisassaliorsinnaallutik.

Kapitali 6

Sunngiffimmi sukisaarsaartarfiit klubbit

§ 32. Sunngiffimmi sukisaarsaartarfik klubbi tassaavoq meeqqat inuusuttullu sunngiffimminni suliaqarlutik ataatsimooqatigiinniarlutillu katerisimaartarfiat.

Imm. 2. Sunngiffimmi sukisaarsaartarfimmik klubbimik atuineq akeqanngilaq, taamaattoq tak. imm. 3 aamma 4.

Imm. 3. Kommunini sunngiffimmi sukisaarsaartarfiit klubbit akiliisitsisinnaapput imaluunniit katersuiniarsinnaallutik klubbip ingerlatai, pilersaarutai il.il. nukittorsarniarlugit. Taamaattoq sunngiffimmi sukisaarsaartarfimmi klubbimut peqataanermut ilaasortatut akiliisitsisoqarsinnaanngilaq.

Imm. 4. Naalackersuisut kommunalbestyrelsimik isumasioqateqareerlutik akiliisitsisarnissat katersuiniartarnissallu imm. 3-mi taaneqartut pillugit malittarisassaliorsinnaapput.

§ 33. Sunngiffimmi sukisaarsaartarfiit klubbit kommunip sunngiffimmi sukisaarsaartarfiatut kommunimit ingerlanneqarsinnaapput imaluunniit kommunip sunngiffimmi sukisaarsaartarfiatuunngitsoq allanit ingerlanneqarsinnaapput.

§ 34. Kommunini sunngiffimmi sukisaarsaartarfiit klubbit pilersinneqarsinnaapput piumasat makkua tunngavigalugit

- 1) klubbi meeqqanut inuusuttunullu 6-iniit 21-nut ukiulinnut tamanut ammasuusaaq,
- 2) klubbip pisortaa suleqataalu pisariaqartunik piginnaasaqassapput,
- 3) klubbi piukkunnartunik ineqartinneqassaaq,
- 4) atortussat pisariaqartut akeqanngitsumik atorsinnaatitaassapput,

Imm. 2. Qanoq ukioqqortutigisut piffissani aalajangersimasuni sunngiffimmi sukisaarsaartarfinnik klubbinik atuisinnaanerit pillugu Naalackersuisut sukumiinerusunik malittarisassaliorsinnaapput.

§ 35. Kommunibestyrrelse sunngiffimmi sukisaarsaartarfinnut klubbinut kommunip ingerlatarinngisaannut tapiissuteqarsinnaavoq.

Imm. 2. Sunngiffimmi sukisaarsaartarfiit klubbit imm. 1 naapertorlugu tapiiffigineqartartut kommunalbestyrelsip akuerissavai nakkutigalugillu.

Imm. 3. Kommunalbestyrelse akuersissappat klubbi malittarisassaqaassaaq.

Imm. 4. Sunngiffimmi sukisaarsaartarfiit klubbit kommunimit ingerlanneqanngitsut Naalackersuisut malittarisassiuutissavaat, tamatumani ilanngullugit klubbip malittarisassai.

Kapitali 7

Meeqqat inuusuttullu suliniaqatigiiffii

§ 36. Meeqqat inuusuttullu suliniaqatigiiffii tassaapput suliniaqatigiiffiit aaqqissuussinernik meeqqanut inuusuttunullu 30-t inorlugit ukiulinnut ingerlatsisartut.

§ 37. Timersoqatigiiffinnut tunngatillugu killiliinissaq Naalackersuisut malittarisassaliussapput.

Kapitali 8

Aningaasalersuineq allaffissornerlu

§ 38. Aningaasanut inatsimmi aningaasaliissutissatut aalajangersakkat iluini Naalackersuisut kulturikkut ingerlatsinermut sunngiffimmilu sammisassaqaartitsinermut tapiissuteqassapput.

§ 39. Aningaasartuutit kulturikkut ingerlatsinermut sunngiffimmilu sammisassaqaartitsinermut atorneqartut kommunit tamakkerlugit akiligassaraat, aningaasartuutit tamakkerlugit ilaannaaluunniit Namminersornerlutik Oqartussanit allanilluunniit akilerneqassasut inatsisitigut erseqqissumik tunngavissiisoqarsimanngippat. Namminersorlutik Oqartussat aamma kommunit inatsisitigut pisussaaffiusumik suliasat akilerneqarlutik isumagineqarnissaat isumaqatigiissutigisinnaavaat.

Imm. 2. Suliaqarfinni kommunit aggornerisa avataaniittuni aningaasartuutit imm. 1 naapertorlugu Naalackersuisunit isumagineqassapput.

Kapitali 9

Naatsorsuutit kukknersuinerlu

§ 40. Kulturikkut ingerlatsinissamut sunngiffimmilu sammisassaqaartitsinissamut Naalackersuisunit tapiissutisusut tapiissutit siunertamut atorneqarnerat uppernarsassavaat tamannalu pillugu piumasaqartoqarneratigut uppernarsaasissallugit.

Imm. 2. Tapiissutinik atuinerup uppernarsarneqarnissaa uppernarsaaserneqarnissaalu, taakkununga ilanngullugu naatsorsuusiornissamut kukknersuuinissamullu piumasaqaatit Naalackersuisut malittarisassaliorsinnaavaat.

§ 41. Tapiissutisimasoq eqqunngitsunik paasissutissiisimappat, tapiissutisinissamut piumasaqaatit naammassineqanngippata imaluunniit tapiissutit

anigaasaliissutigineqartussanut siunertanut allanut atorineqarsimappata tapiissutit anigaasaliissutigineqarsimasut tamakkiisumik ilaannakuusumilluunniit utertillugit akilerneqarnissaat piumasarineqarsinnaavoq.

Imm. 2. Tapiissutit utertinneqarnissaat pillugu Naalakkersuisut malittarisassaliorsinnaapput.

Kapitali 10

Naammagittaalliuut

§ 42. Naalakkersuisut Kommunalbestyrelsillu Inatsisartut inatsisaat manna naapertorlugu aalajangigaat pisortanut oqartussaasunut allanut suliassanngortinneqarsinnaanngillat, taamaattoq tak. imm. 2.

Imm. 2. Naalakkersuisut isumaqatigiissuteqarfigalugit kommunalbestyrelsinut tunniunneqarsimasunut suliassanut tunngasuni kommunalbestyrelsimit aalajangiinerit aalajangiinerup nalunaarutigineqarneraniit sapaatik akunneri sisamat qaangiutsinnagit Naalakkersuisunut suliassanngortinneqarsinnaapput.

Kapitali 11

Misiligummik aaqqissuussinerit

§ 43. Naalakkersuisut aaqqissuussigallarnertut immikkut ittumik pisoqartillugu inatsisartut inatsisaanni aalajangersakkat saneqqussinnaavaat, inatsisartut inatsisaanni atuiffissat iluini misileraanermik ingerlatsinerup siuarsarneqarnissaanut pisariaqartutut isigineqarpata.

Imm. 2. Misileraalluni ingerlataqarnermut Naalakkersuisut tapiissuteqarsinnaapput, imm. 1 tak.

Kapitali 12

Nakkutilliineq

§ 44. Kommunalbestyrelsit inatsimmik aqutsinerat Naalakkersuisut pingaarnertut nakkutigissavaat.

Imm. 2. Naalakkersuisut kommunalbestyrelsimut piumasarisinnaavaat paasissutissat inatsit naapertorlugu suliameinnik isumaginninnissamut pisariaqartutut isigisatik.

Kapitali 13

Atuutilersitsinermi, ikaarsaariarnermi atorunnaarsitsinermilu aalajangersakkat

§ 45. Inatsisartut inatsisaat ulloq 1. januar 2017 atuutilissaaq..

Imm. 2. Inatsisartut inatsisaata atuutilernera ilutigalugu kulturikkut ingerlatsineq sunngiffimmilu sammisassaqartitsineq pillugit Inatsisartut peqqussutaat nr. 10, 21. maj 2002-meersoq kiisalu inatsisartut peqqussutaanni nr. 5, 9. april 1992-meersumi §§ 9-10 atorunnaarsinneqarput.

Imm. 3. Malittarisassat kulturikkut ingerlatsineq sunngiffimmilu sammisassaqtitsineq pillugit Inatsisartut peqqussutaat nr. 10, 21. maj 2002-meersoq naapertorlugu aalajangersarneqartut atuuttuusulluunniit atuutiinnassapput atorunnaarsinneqarnissaata tungaanut imaluunniit malittarisassanik Inatsisartut inatsisaat manna inatsisilluunniit allat naapertorlugit aalajangersakkanik allanik taarserneqarnissamik tungaannut.

Namminersorlutik Oqartussat, ulloq xx xx 2016

Kim Kielsen